



SEKTOR ZA CARINE

Broj: 03/2-07-4-1816- 1 /21
Banja Luka, 22. 10 2021. godine

01/13
25. 10. 21.
01/13-2
R

**REGIONALNIM CENTRIMA
ODSJEDU ZA CARINSKE POSLOVE**

Predmet: Obavještenje o promjeni načina dodjeljivanja broja zamjenskim karnetima ATA (REPLACEMENT FOR), dostavlja se

Spoljnotrgovinska komora Bosne i Hercegovine (u daljem tekstu: STK BiH) obavijestila je upravu za indirektno oporezivanje o tome da **od 01. novembra 2021. godine** planira promijeniti način dodjeljivanja brojeva zamjenskim karnetima ATA (REPLACEMENT FOR), u kojem obavještenju je ukazala na sljedeće:

STK BiH, kao udruženje izdavalac i garantno udruženje za karnet ATA u Bosni i Hercegovini, ima obavezu na kraju svakog polugodišta podnijeti izvještaj Međunarodnoj trgovinskoj komori o karnetima ATA izdatim u datom polugodištu, te na osnovu istoga izmiriti obaveze prema Međunarodnoj trgovinskoj komori. Izvještaj se podnosi u elektronskoj formi, unošenjem detalja o svim izdatim originalnim i zamjenskim karnetima ATA u za to predviđenu bazu.

Novi način dodjeljivanja broja zamjenskim karnetima ATA odnosi se samo na zamjenske karnete ATA (REPLACEMENT FOR) koje STK BiH izdaje nosiocima karneta ATA u slučaju kada rok privremenog izvoza traje koliko i rok važenja karneta ATA, a istekne prije nego je postignuta svrha privremenog izvoza, u skladu sa članom 21. stav (3) Uputstva o provođenju carinskog postupka po karnetu ATA ("Službeni glasnik BiH", br 34/11 i 10/20; u daljem tekstu: Uputstvo). Stoga, se i ovaj akt odnosi na te zamjenske karnete ATA za privremeni izvoz.

Dakle, **novi način dodjeljivanja broja zamjenskim karnetima ATA ne odnosi se na zamjenske karnete ATA (REPLACEMENT) koje STK BiH, kao udruženje izdavalac, izdaje nosiocima u slučaju kada je karnet ATA uništen, izgubljen ili ukraden, a roba se nalazi na carinskom području neke druge zemlje** (kako je navedeno u članu 21. stav (1) Uputstva), jer se ti karneti ATA ne uključuju u prednje pomenuti izvještaj.

Tokom podnošenja izvještaja Međunarodnoj trgovinskoj komori o karnetima ATA izdatim u datom polugodištu javlja se problem u unošenju zamjenskih karneta ATA u bazu, jer sistem ne prihvata zamjenske karnete ATA koji nose iste brojeve kao originalni karneti ATA. Do sada je STK BiH zamjenskim karnetima ATA dodjeljivala isti broj koji je bio dodijeljen originalnom (starom) karnetu ATA, pa je na prednjoj korici zamjenskog karneta ATA i njegovim kuponima i talonima, u rubrici G a) stajao broj originalnog karneta ATA i riječ (REPLACEMENT FOR).

Novi način obilježavanja zamjenskih karneta ATA ogleda se u tome da će STK BiH svakom zamjenskom karnetu ATA (u slučaju kada rok privremenog izvoza traje koliko i rok važenja karneta ATA, a istekne prije nego je postignuta svrha privremenog izvoza (član 21. stav (3) Uputstva) **dodijeliti novi broj** (broj koji mu aplikacija za izdavanje karneta ATA dodijeli u redovnom procesu izdavanja karneta ATA), **a koji je različit od broja originalnog (starog) karneta ATA.**

STK BiH navodi i to da je, tokom konsultacija sa članom Administrativnog odbora ATA za Istočnu Evropu, potvrđeno da se prednje navedeni način dodijeljivanja brojeva zamjenskim karnetima ATA (o kojima je riječ) koristi i u drugim državama (npr. i u Srbiji).

Na prednjoj korici, te kuponima i talonima zamjenskog karneta ATA za privremeni izvoz kojeg izdaje STK BiH, u rubrici G a), biće upisano:

- (novi) broj zamjenskog karneta ATA, riječ REPLACEMENT FOR i broj originalnog (starog) karneta ATA po kojem je roba izvezena u državu privremenog uvoza i iz koje neće biti ponovno uvezena do isteka roka tog ATA karneta.

Stoga, ubuduće u slučaju postupanja po zamjenskom karnetu ATA kojeg je izdala STK BiH a u kojem je, u polju G a), upisana riječ "REPLACEMENT FOR" i njegov (novi) broj, kao i broj originalnog (starog) karneta ATA, nadležni postupajući carinski ured, u aplikaciji Ex Disc, **evidentira taj zamjenski karnet ATA koji je u pitanju tako što upisuje (bez razmaka):**

- broj (novi) zamjenskog karneta ATA i broj originalnog (starog) karneta ATA (odvojeno kosom linijom "/"), a iza broja originalnog karneta ATA upisuje u zagradi oznaku "RF" za zamjenski karnet ATA.

Primjer: "BA200791/BA190702(RF)".

U datom primjeru:

- "BA200791": je broj (novi) zamjenskog karneta ATA,
- "BA190702": je broj originalnog (starog) karneta ATA,
- "(RF)": je oznaka "RF" navedena u zagradama, a koja znači REPLACEMENT FOR za zamjenski karnet iz člana 21. stav (3) Uputstva (koji član se odgovarajuće primjenjuje i na zamjenski karnet ATA za privremeni izvoz).

Podsjećanja radi, shodno članu 16. stav (2) Uputstva, odredbe Uputstva koje se odnose na privremeni uvoz odgovarajuće se primjenjuju i za privremeni izvoz, slijedom čega se i član 21. (Zamjena karneta ATA) Uputstva odgovarajuće primjenjuje i na zamjenske karnete ATA za privremeni izvoz (koje izdaje STK BiH).

O navedenom je neophodno da **odmah** obavijestite vaše organizacione jedinice, radi upoznavanja i postupanja u skladu sa ovim aktom.

Dostaviti:

1. Naslovu
2. Kabinetu direktora
3. Spoljnotrgovinskoj komori BiH,
Branislava Đurđeva 10, Sarajevo
4. Sektoru 03 i 06
5. Odjeljenju 01/3 - Web stranica UIO
6. a/a

